

ԳԵՈՐԳԻ ԳԱՔՐԻԵԼՅԱՆ

ՀԱՅ-ԹՈՒՐԹԱԿԱՆ ԲԱՆԱԿՑՈՒԹՅՈՒՆՆԵՐԻ
ԱՆՀՐԱԺԵՇՏՈՒԹՅԱՆ ՀԱՐՑԸ ՄՈՍԿՎԱՅՈՒՄ 1920Թ.
ՀՈՒՆԻՍ-ՀՈՒԼԻԱՒՆ ԵՎ ՂՐԱՆՑ ԶԿԱՅԱՆԱԼՈՒ
ՀԵՏԵՎԱՆՔՆԵՐԸ

1920թ. ամռանն իրավիճակը տարածաշրջանում կտրուկ սրվում է: Մի կողմից Ղենիկիների պարտությունը, կարմիր բանակի առաջխաղացումը Անդրկովկասում և որպես հետևանք, Ադրբեջանի խորհրդայնացումը, իսկ մյուս կողմից Ամատուխայում քննալական կառավարության կազմավորումը և խորհրդա-քննալական մերժեցումը, Հայաստանը դրեց երկու սալի արանքում: Նման բարդ պայմաններում, երբ քննալականները գորքեր էին կենտրոնացնում Հայաստանի սահմաններին, իսկ խորհրդային Ադրբեջանը կարմիր բանակի օգնությամբ ծգտում էր տիրանալ Նախիջևանին, Ղարաբաղին և Ջանգեզուրին խորհրդային Ռուսաստանի նախաձեռնությամբ Մոսկվա է մեկնում ՀՀ պատվիրակություն Լ. Շանթի գլխավորությամբ: Ըստ Ս. Վրացյանի՝ պատվիրակության առջև դրված էին հետևյալ խնդիրները. «1. խորհրդային Ռուսաստանը պետք է ճանաչէ Հայաստանի անկախությունը՝ ընդունելով Հայաստանի սահմաններում եւ Ղարաբաղն ու Գյուլիստանը, 2. խորհրդային Ռուսաստանը, գոնե սկզբունքով, պետք է ընդունէ թիրքահայ հողերի կցումը Հայաստանին 3. խորհրդային Ռուսաստանը չպիտի միջամտէ Հայաստանի ներքին գործերին. չպիտի Հայաստանում կոմունիստական գործունեութիւն ցոյց տայ. 4. խորհրդային Ռուսաստանը պիտի թոյլ տայ ,որ Հիւսիսային Կովկասում եւ Ռուսաստանում գտնուող հայ գաղթականները վերադառնան Հայաստան, և մի շարք ուրիշ հարցեր»¹: Շանթի պատվիրակության հետ բանակցությունները Մոսկվայում տևում են շուրջ երկու ամիս և ավարտվում անարդյունք:

Լ. Շանթի պատվիրակության բանակցությունները Մոսկվայում ձախողվում են ոչ այդ պատվիրակության մեղքով: Հարկավ դրանց ձախողմանը նպաստեցին նաև Ադրբեջանի ղեկավարները հայ կոմունիստների հետ մեկտեղ (Ա. Միկոյան, Ա. Նուրիջանյան, Ա. Մռավյան և այլք) և Մոսկվայում գտնվող թուրք պատվիրակները: Բայց մենք այն կարծիքին ենք, որ խորհրդային Ռուսաստանի

¹ Վրացեան Ս., Հայաստանի Հանրապետութիւն, Բեյրութ, 1954, էջ 453:

շահերին համընկնելու դեպքում նրանց տեսակետները երկրորդական էին լինելու: Եվ այդպես էլ եղավ, քանզի հետաձգվեց Հայաստանի խորհրդայնացման հարցը:

Նշենք, որ 1920թ. հունիս-հուլիս ամիսներին ՀՀ արտաքին քաղաքականության մեջ խորհրդային Ռուսաստանի հետ բարիդրացիական հարաբերությունների ցանկությունն առկա էր և միանգամայնորեն անկեղծ: Բայց բանակցությունները նրա հետ անպտուղ վերջացան հետևյալ պատճառներով.

Առաջին. խորհրդային Ռուսաստանը վերջնականապես չէր հստակեցրել իր արևելյան քաղաքականությունը և տատանվում էր քեմալական թուրքիայի, Ադրբեջանի և Հայաստանի տարածքային պահանջներում կողմնորոշումների հարցում:

Երկրորդ. Հայաստանից վերջնական պատասխան չունեի իր հետ հարաբերվելու դեպքում դաշնակիցներից՝ հրաժարվելու պատրաստականության մասին:

Երրորդ. վերջնականապես համոզված չէր նաև քեմալականների և Ադրբեջանի՝ իր նկատմամբ վերաբերմունքի անկեղծության, ինչպես նաև քեմալականների հաղթանակի մեջ:

Այս ամենը պահանջում էին նրանից ժամանակ չափել և խուսաճալել: Բայց երբ ստորագրվեց Սևրի դաշնագիրը, Ռուսաստանը կտրուկ կերպով շրջվեց դեպի թուրքիան և զավթողական դիրքորոշում որդեգրեց ՀՀ հանդեպ՝ նրան ընկալելով որպես Անտանտի դաշնակից: Դրանում, հարկավ, իրենց սխալներն ունեցան նաև հայ քաղաքական ղեկավարները: Այդ սխալներն սկսվեցին Մոսկվայից, երբ հայ պատվիրակները առանձին բանակցությունների մեջ չմտան թուրքերի հետ, որը կարող էր դրականորեն անդրադառնալ ռուսների հետ բանակցությունների վրա: Փորձենք հիմնավորել այս տեսակետը: Այս առումով կարևոր են այն հարցերի պատասխանների որոնումները, թե արդյոք Լ. Շանթի պատվիրակությունը ճիշտ վարվեց, երբ առանձին բանակցությունների մեջ չմտավ նույն օրերին Մոսկվայում գտնվող Բեքիր Սամի քեյի պատվիրակության հետ, ինչ կտային այդ բանակցություններն ընդհանուր առմամբ և չէին նպաստի արդյոք ռուսների հետ պայմանագրի նախագծի վավերացմանը: Այս խնդիրներին մեր պատմագրությունը գրեթե չի անդրադարձել, մինչդեռ այսօրվա հեռավորությունից դրանք լուրջ եզրակացությունների տեղիք են տալիս:

Հայ-ռուսական բանակցությունների վերջին օրերին Գ. Զիչերինը և Ծանթին առաջարկեց բանակցությունների մեջ մտնել Մոսկվայում գտնվող թուրք պատվիրակության հետ՝ քննարկելու երկուստեք հետաքրքրություն

ներկայացնող հարցեր, մական Լ. Շանթը այդ մերժեց²։ Պետք է նշել, որ պատվիրակության անդամներից Յ. Տերտերյանը և Լ. Ջարաֆյանը կողմ էին դրան, փորձում են նույնիսկ բանակցություններ վարել, բայց Լ. Շանթն այդ արգելում է։ Այդ մասին Յ. Տերտերյանը հետևյալն է գրում, որը հարկ ենք համարում մեջբերել ամբողջությամբ. «Անհրաժեշտ են համարում այստեղ յիշատակելու, որ երբ մեր պատուիրակությունը զբաղուած էր տեղեկագիր կազմելով, Մոսկուայում էր գտնուում Թուրք Ազգային Մեծ Ժողովի պատուիրակութիւնը Բէքիր-Սամի բէյի գլխաւորութեամբ, որ առաքելութիւն ունէր խորհրդային կառավարութեան հետ բանակցութիւններ վարելու:

Ես եւ Լեւոն Ջարաֆեանը առաջարկեցինք ընկ. Լ. Շանթին մասնաւոր տեսակցութիւններ ունենալու թուրք պատուիրակութեան հետ եւ աշխատելու իրարհասկացողութեան գալ տաճիկների հետ, իսկ եթէ այդ չյաջողուէր, գոնէ շօշափած կը լինէինք իրենց տրամադրութիւնները: Առաջարկ բերողներս այն կարծիքին էինք, որ տաճիկները գոհ պիտի մնային, եթէ մենք կարողանայինք երկուստեք գոյութիւն ունեցող վեճերը կարգադրել առանց Սովետական Ռուսաստանի միջամտութեան: Տաճիկները աւելի պատճառներ ունէին կասկածանքով մօտենալու սովետական կառավարութեան բարեկամական անկեղծ զգացմունքներին, քան թէ մենք՝ հայերս:

Զնայած, որ մեր առաջարկը որեւէ վնաս չէր կարող բերել մեր Դատին, բայց եւ այնպէս ընկ. Շանթը բուռն կերպով ընդդիմացաւ թուրքերի հետ տեսակցութեան գաղափարին: Առարկեց, որ ճախ՝ լիազօրուած չենք տաճիկների հետ բանակցելու եւ երկրորդ՝ որ ինքը կողք - կողքի չի՝ նստի մեր ազգի ջարդարարների հետ:

Աշխատում էինք համոզել, որ այստեղ լիազօրութեան խնդիր չկայ, այլ տրամադրութիւններ շօշափելու հարց եւ եթէ պէտք լինի, Դայաստանի կառավարութիւնից հետագային կը ստանանք անհրաժեշտ լիազօրութիւնները: Ինչ վերաբերում է երկրորդ առարկութեան՝ գտնում էինք, որ դիւանագիտական յարաբերութիւնների մարզում զգացմունքը անելիք չունի, այլ միայն սառը դատողութիւնը եւ մեր ժողովրդի շահը:

Դժբախտաբար, այդ խնդրում մեզ չյաջողուեց համոզել ընկ. Շանթին, եւ մենք էլ նպատակայարմար չգտանք, առանց նրա համաձայնութեան, շփման

² Գալոյան Գ., Դայաստանը և մեծ տեղութիւնները 1917-1923թթ., Երևան 1999, էջ 242:

մէջ մտնելու տաճիկ պատուիրակութեան հետ եւ ցաւով յետ կանգնեցինք մեր մտադրութիւնից»³ (Ընդգծումները մերն են - Գ. Գ.):

Այս մեջբերման մեր ընդգծումներից նախ և առաջ պարզ է, որ իսկապես ճիշտ է վերը նշված մեր տեսակետը, որ թուրքերի և բուլշևիկների հարաբերություններն անկեղծ չէին, նրանք իրար այնքան էլ չէին վստահում, որը լավ առիթ էր հայերի համար բանակցելու թուրքերի հետ: Պատահական չէ, որ Զ. Տերտերյանը գրում է, որ ցավով են հետ կանգնել բանակցելու մտադրությունից՝ տեղի տալով Լ. Շանթի զգացմունքային պահվածքին: Իսկ եթե այդ հարաբերություններն անկեղծ չէին, նշանակում է՝ կարող էին հայ-թուրքական բանակցությունները հաջող կամ դրական ելք ունենալ, եթե կայանային: Դասկանալի է, որ թուրքերը նույնպես, ինչպես և բուլշևիկները պետք է պահանջեին, որ հայերը հրաժարվեին դաշնակիցներից, ինչը դյուրին խնդիր չէր: Սի բան ակնհայտ էր նաև, որ թուրքերը հայերին առաջարկելու էին ավելի սահմանափակ լինել իրենց տարածքային պահանջների մէջ: Բայց տվյալ իրավիճակում քերևս դա ավելի ճիշտ կլիներ և այս դեպքում ամենայն հավանականությամբ չէր կայանա հայ-թուրքական վերջին պատերազմը: Չպետք է մոռանալ նաև, որ հայ-թուրքական բանակցությունների անտեսման սխալակամությունը հետագայում խոստովանել են Գ. Գ. ղեկավար շատ գործիչներ: Այսպես՝ Ա. Խատիսյանը հետևյալն է գրում. «Իսկ համաձայնությունը քննադականներու հետ: Մենք շատ ենք խօսած անոնց մտայնութեան մասին. անոնք կ'ընդունեին Դայաստանը թոյլ, նիհար, 20-30 000 քառակուսի քիլոմետր սահմաններով, առանց նաւահանգիստի, չորս կողմեն սեղմուած: Բայց այնուամենայնիւ, հէնց ժամանակ չահելու համար եւ հնարաւոր դասավորութիւններու տեսակետէն՝ թուրք գործիչներու հետ խօսակցութիւնները իր ժամանակին կրնային օգտակար ըլլալ, եւ այդպիսի խօսակցութիւններու համար ոչ բոլոր հնարաւորութիւնները օգտագործուեցան»⁴:

Սակայն, պետք է ավելացնել, որ Ալ. Խատիսյանի հետ հետագա հանդիպումներում թուրքերն առաջարկում էին ավելի լայն սահմաններով Դայաստան: Եվ նրանք հազիվ թե խաբեին: Պատմաբան Ա. Ներսիսյանը գրում է. «Քեմալի հետ հաշտությունը կարող էր հնարավոր դառնալ 1920թ. հունիս-հուլիսին, երբ նրա դրությունն աղետալի էր, քանզի պարտություն էր կրում հունա-

³ Տերտերյան Զ., Դայաստանի Դանրապետութեան եւ Խորհրդային Ռուսաստանի բանակցութիւնները, Լեւոն Շանթի պատվիրակութիւնը, տես «Դայրենիք» ամսագիր, թիւ 1, յունւար, 1954, էջ 12-13:

⁴ Խատիսեան Ալ., Դայաստանի Դանրապետութեան ծագումն ու զարգացումը, Պէրոպ, 1968, էջ 204:

կան բանակից և դաշնակիցներից: Հետաքրքիր է, որ նման խորհուրդ Ալ. խատիսյանին տվել են և Հարբորդը և ամերիկյան դերժովակալ Բրիստոլը»⁵:

Փաստորեն, ստացվում է, որ Մ. Քեմալի համար հաշտությունը ցանկալի էր հենց Լ. Շանթի բանակցությունների օրերին, երբ Մոսկվայի թուրք պատվիրակության վիճակն էլ այնքան բարվոք չէր և Գ. Հիչերինը տառնում էր խուսաճավողական քաղաքականություն: Կարող է հարց առաջանալ՝ չէ՞ որ դա կարող էր դաշնակիցներին դուր չգալ: Բայց Սևրի պայմանագիրը կնքելուց առաջ արդեն պարզ էր, որ այն չի իրականանալու, քանզի դաշնակիցները՝ ի հակակշիռ բոլշևիկների, արդեն օգոստոս ամսին փորձում էին հարաբերություններ ձևավորել Քեմալի հետ, ինչը նշանակում է, որ հայերն ավելի շուտ պետք է գնային դրան: Ամենահին պատահական չէր, որ իրենք դաշնակիցներն էլ և մասնավորապես ամերիկացիները, նույն խորհուրդն էին տալիս հայերին: 1920թ. հուլիսին Կ. Պոլսում գտնվող Ալ. խատիսյանը հանդիպում է Ամերիկայի դերժովակալ Բրիստոլին և հույս հայտնում, որ կիրականանա Վիլսոնի խոստումը հայերին քաղաքական օգնություն ցույց տալու՝ առունժվ: Բրիստոլն անմիջապես հետևյալն է ասում. «Ուիլսոնը բոլորովին չ'արտահայտեր իր ժողովուրդի կարծիքը, ան կ'ըստ այն, ինչ որ բոլորովին չի համապատասխաներ ամերիկացիներու շահերուն ու տեսակետներուն: Դուք այդ մասին պատրանքներ պետք չէ ունենաք»⁶: Բրիստոլը այնուհետև շեշտում է, «թե առհասարակ ինքը իր պարտքը կը համարէ մախազգուշացնել հայ քաղաքական գործիչները, որ իրենք թուրքերու հետ փնտռեն մերձեցում՝ իրենց պահանջները հասցնելով նվազագույնի, հակառակ պարագային նրանց կը սպաստ ծանր ապագայ: Արդարութիւնը կը պահանջէ անգամ մըն ալ ըսել, - շարունակում է խատիսեանը, - որ գրեթէ նոյնաման խորհուրդ տուաւ ինձ նաեւ Հարբորդը, բայց ավելի մեղմ ձեւով»⁷:

Ինչպես համոզվում ենք, դաշնակիցներն իրենք էլ հասկացնում էին, որ իրենց վրա հույս չդնեն և փորձեն լեզու գտնել թուրքերի հետ: Հնարավոր էր արդյոք, որ թուրքերը հայերի հետ բանակցելու դեպքում տարածքային զիջումների գնային: Կարծում ենք, որ հնարավոր էր, եթե հայերը կամ հրաժարվեին դաշնակիցներից, կամ էլ նրանցից սպասելիքներին զուգահեռ բանակցեին թուրքերի հետ: Տիրում էր այն համոզմունքը, որ թուրքերի հետ խոսելիք չկա: Բայց 1920թ. ամռանը Ալ. խատիսյանը հարկ է համարում հանդիպել ներքին

⁵ Ներսիսյան Ա, Սևրի պայմանագրի ծախողման պատճառները, տե՛ս «Հյուսիսատիպիլե» Հյուսիսային համալսարանի գիտական հոդվածների ժողովածու, Երևան, 2010, էջ 20:

⁶ Խատիսեան Ալ., Հայաստանի Հանրապետութեան ծագումն ու զարգացումը, Պէրլուս, 1968, էջ 230:

⁷ Նույն տեղում, էջ 230-231:

գործոց նախարար Ռեշատ փաշայի հետ: Նա վերջինիս բացատրում է, որ «ցանկալի է փոխադարձ համաձայնության միջոցով որոշել Սիացեալ Հայաստանի սահմանները՝ մտցնելով հայկական հողամասերու մեջ վեց վիլայեթներու կարելուր մասը, նավահանգիստ մը եւ այսպետով լուծել մեր դարավոր վեճը:

Մեր առաջին տեսկցութեան միջոցին, - շարունակում է Ա. Խատիսեանը, - Ռեշատը աւելի կը լսէր: Երկրորդ անգամ ան, աւելի գործօն էր կարծիքները արտայայտելու մեջ, թէ եւ ընդհանրապես սաստիկ վերապահ էր: Ան թուղթի վրայ գծեց Հայաստանի հնարաւոր սահմանները՝ մտցնելով Հայաստանի հողերու մեջ ամբողջ ուսական Հայաստանը, Ալաշկերտի եւ Բասենի հովիտները եւ իբրեւ նավահանգիստ Ռիգեն: Այսպետով՝ Վանը, Մուշը, Էրզրումը եւ Տրապիզոնը կ'անցնէին Թուրքիային»⁸:

Այն հարցի մասին, որ թուրքերը հայերին կարող էին խաբել, Ա. Ներսիսյանը հետևյալն է գրում. «Բոլոր նրանց, ովքեր գտնում են, որ քեմալականների հետ բանակցութիւնները ոչինչ չէին կարող տալ, կարելի է հարց տալ, թէ 1920թ. ամրանը (Յունիս-Յուլիս), երբ քեմալը նեղ դրութեան մեջ էր, հայոց հետ դաշինքը գոնէ չէր փրկի Արեւմտեան Հայաստանի մի մասը եւ չէր կասեցնի պատերազմը Հայաստանի Հանրապետութեան հետ: Այս հարցին ոչ մէկը չի կարող վերջնական ժխտողական պատասխան տալ: Հակառակը յանգեցրեց նրան, որ Թուրքիան Հայաստանը համարեց Անտանտի դաշնակից եւ Ռուսատանի օգնութեամբ ուժեղանալով՝ ստիպեց Դաշնակիցներին թքելու իր կողմը՝ ի վնաս Ռուսաստանի, իսկ Հայաստանը, մեկուսանալով ու մնալով դաշնակիցներ-Ռուսատան-Թուրքիա օղակի մեջ, ահաւոր պարտութիւն կրեց եւ մասնատուեց: Եւ Աւերի պայմանագիրը մնաց թղթի վրայ...»⁹:

Հիդալի, մենք համոզված ենք, որ եթէ Լ. Շանթը առաջնորդվեր ոչ թե հույզերով, այլ սառը բանականությամբ, ապա հնարավոր է, որ Մոսկվայում ստորագրվեր հայ-ռուսական համաձայնագրի նախագիծը և ավելի ամրապնդվեր Խորհրդային Ռուսաստանի տեղը ՀՀ արտաքին քաղաքականության կողմնորոշումներում: Հնարավոր է, որ Ձանգեզուրի և Նախիջևանի հարցում բողոքեր Սդրբեջանը, բայց գոնէ դրանով կկասեցվեր շատ չանցած ռուսադրբեջանական համատեղ հարձակումը հիշյալ տարածքների և Ձանգեզուրի վրա: Ոչ ոք չի կարող վերջնականապես հերքել, որ քեմալականներից ավելի նեղ տարածքներ պահանջելու դեպքում վերջիններս կհարձակվէին Հայաս-

⁸ Խատիսեան Ա., Հայաստանի Հանրապետութեան ծագումն ու զարգացումը, Պէյրութ, 1968, էջ 231:

⁹ Ներսիսեան Ա., Ռուբէն, Երեւան, 2007, էջ 343:

տանի վրա և Դաշնակիցների դեմ նրանց և բուլշևիկների դաշինքը ուղղված չէր լինի նաև Հայաստանի դեմ: Անշուշտ, Հայաստանն ի վերջո կխորհրդայնացվեր, բայց ամենայն հավանականությամբ ավելի լայն սահմաններով: Չէ՞ որ Վրաստանը, որը Ռուսաստանի հետ 1920թ. հունիսի 7-ին կնքել էր իր անվտանգությունն ու անկախությունը երաշխավորող պայմանագիր, նույնպես բռնությամբ խորհրդայնացվեց: Բայց այստեղ խնդիրը վերաբերվում է նրան, որ ՀՀ քաղաքական ղեկավարության միջև ընդհանրության չէր հասել այն համոզմունքը, որ պետք էր ամեն կերպ լեզու գտնել թուրքերի հետ, որն ինչ-որ տեղ նշանակում էր նաև ռուսների հետ լեզու գտնել և այդ դեպքում Հայաստանն աննախադեպ բաժանման չէր ենթարկվի 1920-21թթ.ին. Այս կարծիքին է նաև սփյուռքահայ պատմաբան Ռուբինա Փիրումյանը, որի հետևյալ՝ ընդհանրացման հետ նույնպես կարելի է համաձայնվել. «Եթե հայ եւ թուրք պատուիրակները, առանց ռուսների միջնորդութեան, փորձէին իրենց հարցերը լուծել, մանավանդ այն ժամանակ, երբ հայ-թրքական հակադրութիւնները դեռ սաղմնային էին, գուցէ կարելի կլինէր հետագայ արյունահեղութեան առաջն առնել»¹⁰:

Պատմաբան Է. Չոիրաբյանը անդրադառնալով Լ. Շանթի դիվանագիտական գործունեությանը, գրում է. «Պատվիրակության նախագահի նման դիրքորոշումը չի խոսում Շանթ-դիվանագետի օգտին, քանի որ դիվանագիտության մեջ իրադրությունը ճիշտ գնահատելու և արագ կողմնորոշվելու ունակությունը, ճկունությունը, սառը դատողությունն ու սքափ հաշվարկը անհրաժեշտ պայման են: Մինչդեռ բոլոր փաստերը վկայում են, որ համնարեղ գորող օժտված չէր նման հատկանիշներով: ...Ուրեմն Հայաստանի կառավարությունը կամ սխալվել է նրան նշանակելով Մոսկվա գործուղվող պատվիրակության նախագահ, կամ՝ հակառակը, նրան հենց այդպիսի անձնավորություն էր պետք»¹¹:

Այսպիսով, ըստ մեզ, Հայ-թուրքական փոխզիջումային համաձայնությունը դրական հետևանքների կարող էր բերել թե հայ-ռուսական և թե հայ-ադրբեջանական հարաբերությունների առումով:

¹⁰ Փիրումյան Ռ., Հայաստանը Հ.Յ.Դ.-Բուլշևիկ յարաբերութիւնների ոլորտում (1917-1921), Երևան, 1997, էջ 214-215:

¹¹ Չոիրաբյան Է., 1920թ. թուրք-հայկական պատերազմը և տերությունները, Երեվան, 1997, էջ 57-58: